

神縣志

光



祁縣志敘



余初至祁渡迴馬昌源兩河  
覽其山川問其風俗攷志知  
爲晉祁奚公食邑縣因以得  
名及拜祁公祠下瞻遺像典

型生敬嘆春秋賢大夫明德  
遠也鄙上郭君已得代而縣  
志適成余閱其八紀曰輿地  
曰建置曰食貨曰典禮曰官  
政曰人物曰藝文曰雜紀或  
訛而相冒或混而無別或析  
而無當者悉釐正之余因之  
有所感矣卽如輿圖噐噐  
有完有壞故志沿革志建置  
風俗習尚也每隨時高下故

志食貨物產志歌謠文章國  
華也大爲經史小爲詩賦又  
與事功節義相表裏故志人  
物藝文蓋古無志而存其實  
今有志而存其名何也觀前

代之官於茲土者多矣所爲  
美愛斯傳者豈在周獨一賈  
辛在唐獨一鄧義在宋獨一  
司馬旦乎觀今日之產於茲  
土者多矣持危定難豈遂無

漢之王允晉之溫嶠者乎又  
文人學士所爲著書立言者  
當不乏矣尚有如摩詰之詩  
子安之賦飛卿之八又成文  
者乎如隨之文守子雖遷於

汾而誦說不忘廣武之周鼎  
僑於邗而徘徊不去至今令  
人讀其遺書式其丘墓果地  
以人重耶抑人以地重耶姓  
氏垂於竹帛文章留於載籍

而鄉評公道不絕於祁人之  
心余有以知先正之風流未  
艾而繼起之紹聞光大爲甚  
重也况志識也賢者識大不  
賢者識小令其邑而不悉其

志如家督不憑簿籍如受人  
之田而不問其彊畝又如入  
山林樵獵而不辨其草木鳥  
獸也但守土之吏視官署如  
旅舍不數載而爲輦上君子

多因陋就簡其於修舉廢墜  
若罔聞焉故賈長沙曰移風  
易俗類非俗吏之所能爲也  
余承乏茲土繼郭君之後而  
克成厥終文獻備矣然其補  
遺拾缺不無望於後之人余  
拜手昌言勒之簡末以當晉  
乘之一

康熙六年夏四月穀旦文林  
郎知祁縣事關中王惟壽

水泉志  
謨



祁縣志序

今天下郡邑莫不有志其  
要在正疆界徵文獻稽吏  
治觀民風而以時損益之  
蓋經世事業具矣故君子

重焉祁爲陶唐故墟經歷  
代教養聲名文物非列邑  
所可望垂九十年於茲而  
志載缺焉何以示天下後  
世乎余司牧茲土行能無

似然所懷抱惟此真心實  
念全從百姓起見祁不無  
輿地焉皆百姓所處也不  
無建置焉皆百姓之力也  
有食貨焉百姓之力所出

也有典禮焉百姓之教所  
成也官政所以治乎百姓  
者也人物所以表乎百姓  
者也爲藝文爲雜記或歌  
其風或載其道或動其修  
省或端其教術凡以爲百  
姓也爲治之道盡在志矣  
矧祁彈丸邑近邊孔道兩  
驛衝疲軍輿絡繹供億無  
休暇民力不堪使無以志

之則  
國史院無以書何以知一邑  
利病之所在觀風者無以  
採何以悉一邑甘苦之所  
獨亦何以廉尹一邑者之  
勤若職於百姓怠若事於  
百姓而一邑百姓之情形  
皆入於爲上者之目中哉  
邑承兵火之後版籍悉燬  
余思志關於治之大圖所

以修之困於簿書未能也  
今乃政事稍暇得與邑之  
鄉先生暨子衿輩掇拾殘  
編遠近蒐采凡輿論所在  
鄉校之評可爲徵信者斟  
酌彙輯以補前志之闕有  
序有圖有說觀土風以驗  
隆汙察民情以裁政令按  
往事以備法戒蓋百里之  
中山川形勝閭井謠俗內

盈止而外文明先後緩急  
弛張興除所宜一披閱而  
見大意焉討論紹述尚賴  
後賢哉

康熙四年春二月文林郎

知祁縣事高邑郭霽撰



祁縣志序

傳世有二曰政事曰文章

政事文章何爲其傳世也

山川有崩陲人物有盛衰

而政事文章不與山川爲

崩隳人物爲盛衰者也則  
一邑有一邑之政事文章  
一代有一代之政事文章  
然邑有沿革代有變遷政  
事有顯晦文章有存亡特

以傳世者非志曷與邾之  
志前代無聞其在明者年  
旣遼遠爲兵火所殘

國家鼎運卽檄修之以爲軍  
國之賦役民力之會存山

川人物風俗土宜其利其  
弊所關匪細而政事文章  
莫大於是三皇政典荒遠  
罔攷稽諸尚書祁爲烈山  
肇國有熊之胤胙丹陵之  
遷土政事人文尚已以逮  
祁奚賈辛政事彬彬也至  
於子師仲淹其政事文章  
有裨天下不獨祁一邑爲  
然自輿地以至藝文綱分

序  
目析其於政事文章備矣  
况應運而興者不又有祭  
然可觀者歟公悅郭侯承  
天子命來守此土加意斯民  
革故鼎新大政釐舉以志

不可久缺委余採續舊本  
爲質而參羣籍折衆論補  
所未備戴子楓仲共襄厥  
成楓仲勤學好問偃蹇不  
遇於時益肆力於文章得

攬其山川挹其人文上下  
其古與今焉文中子先世  
祁人遷汾五世而志載之  
不意其本也余越人家於  
祁四世矣任其事不可無  
其言是成郭侯之志傳不  
朽之政事文章以爲化民  
成俗啓佑後作咸正無缺  
之助是可傳世也是可傳  
世也

康熙甲辰仲秋

賜進士出身前戶部福建司

郎中丙戌會試同考河南

懷慶府知府周繼芳撰



和氣志序

志識也後一方之山川也保而

親我惟於形以望我惟於形

形厥字也士德心分所形

步士者為在言也柳屬古也

南平... 而始明在... 貞正... 有... 帝... 關... 丁... 古... 考... 考...

心為正以年去為如心正形以和  
 為正形和以之為性見自變化  
 聖之真如言如物志如揚也  
 如性如造志如聖境也如夫  
 釋志若夫以聖也子身亦一應  
 仲舒釋詩文志性苦人序執  
 幾者有去志奮笑而三溫六  
 法尤亦減之元氣也  
 子師古真軍力畫國付志  
 廢乎在六不接洙由板苗不

已伯說之 其命之聲名不著  
 文中之 殆河海之為所瞻  
 代時人 為其志不遠一留  
 我至其 望其親之 或來也也  
 化於世 亦以此 人物也夫  
 才也神 處自當 其德之真測  
 焉然亦 誠此心 豈不功 非即氣  
 理為其 章之機 存乎古 亦之  
 之一人 由必平 山川之  
 豈然亦 士修其 功其德 亦之

有平代人人以爲向後之

而況生同土也亦同生也

難孰結何多何今有識之士

寧不與之結亦古緣業故曰

者者心之所之亦今之所共

之形作若影也其都郭者

幾身來世歷歷於懷收冰於

掌摺氏於腹實心矣政周

於

古國遷大川之流而志

遠遊以神初志未旬慮王  
 文藏山以等果意成編  
 後得抱珠握玉 楓仲裁書  
 吾人者加焉 予信為之將  
 不使素位 臨土者境其山  
 川強其土 但把少以來於  
 從塔之善 賦而回華之下  
 及之於 若而到 禮之 生  
 以為重 修而能 政在 敬地  
 可為信 史之 下 文 善 之 大

於是如曰... 識... 為

康... 中... 為

言



祁縣志序

晉之有乘 猶吾魯之有春

秋也春秋魯史而所記載

多晉事余嘗欲驅車訪之

未遑也迨癸未歲余分符

於祁祁爲晉下邑叢爾微  
區疲於奔命聞

命之日或爲予苦之予應之

曰方今

聖天子聲教四訖方輿日廣扶

桑戴斗之區尚肯設官命

吏以治之况禹跡所衍奠

州之近地出貢賦以供天

地宗廟社稷之祀之壤者

哉及入境覽其山川麓峯

峙其南昌源遶其北慨然  
於大夫奚之食報遠焉問  
其風俗男務力穡婦職女  
紅唐魏勤儉之德猶有存  
者稽其人物選舉漢晉以  
來賢士大夫代不乏有以  
至田賦有樂利之遺其尹  
鐸之保障乎城闕無子衿  
之刺其河汾之道派乎凡  
此皆邠之勝概班班可考

也然尚恨有闕者治世之  
書斷自六經建閣以崇之  
所以使易象周禮之不獨  
在魯也邠邑尊經一閣風  
雨漂搖典籍蕩然後之人  
雖欲讀三墳五典八索九  
丘之書其孰從而求之忠  
臣義士自古爲難子師值  
漢末造志安社稷死生以  
之慷慨大節至今猶表表

耳目間而不得與於祀典  
是又職司風教者所惻然  
而心恫也推而城有凹陷  
門冲坎離奎樓乏斗牛之  
光雲路無扶搖之勢保殘  
守缺咎將誰諉哉余簿書  
之暇漸次修舉事旣竣禱  
人士將分類編輯載諸邑  
志而請序於予予思志也  
者一方之文獻也史也卽

所以爲治也予之治不敢  
附於古人其敢以史自爲  
功乎固請不已因備載諸  
簡末於經閣奎樓雲路之  
修也則附學校於王司徒  
祠堂之立也則附建置於  
補城易門也則附疆域於  
碑記二首則附藝文其有  
掇科名而登仕籍未及敘  
載者則附人物焉之數者

皆司牧者之所有事本不  
足為簡策光也然區區為  
地方之實心或亦為採風  
者之所不棄與

嘗

康熙四十五年仲秋文林

郎知祁縣事加二級教

習古單朱瑄撰



祁縣志綱目

集之一

輿地志

圖考

星野

風俗

丘墓

集之二

建置志

沿革

疆域


山川

附原坡洞壑  
渠池泉井

形勝

節序

古蹟



城池 附堡寨

縣治

學宮 附制書社匾等

公署 附倉場局院

壇廟

武備

里甲 附鎮

市集

坊表

舖舍

關梁

宮室

寺觀

集之三

食貨志

戶口

田賦

丁賦 附綱程

驛遊

物產

課程

集之四

典禮志

公式

祀享

賓興

鄉儀

郵政

集之五

官政志

官蹟

職官 附生儒吏役

題名

集之六

人物志

鄉賢

寓賢

選舉

武弁

薦辟

節烈

義耆

集之七

藝文志

誥勅

詩賦

序記

表誌

世家 附考

集之八

雜紀志

祥異

僊釋

方伎

祁縣志凡例

一編緝仍本縣舊志再詳稽周禮左傳綱目二十一史  
文獻通攷一統志山西通志及前代萬曆丙申年後  
至國朝本縣舊志抄本志畧其出於輿論學校月  
旦公評者從宜增損據實悉載

一紀事綱統以八目彙五十有奇倫類掌指便於觀覽  
一紀述竊效史記編年體必敘世代歲月其失攷者止  
書其槩

一志綱目皆有小敘其舊志敘論不可易者仍之竊取

其義僭妄成文意義未盡仍綴論各目下無可論言  
畧焉

一曰繫於綱間有未備分注附屬不欲其煩

一建治有關治理雖廢必書亦存羊之意

一食貨國計所繫匪輕故書舊額以原始載新制以觀

一代鼎創不厭詳述

一忠孝貞烈有聲聞止逮而爲前代所旌者有未經

奏聞而蒙院道獎者兼錄以維風教

一藝文詩歌關本邑山川人物者咸彙載之俟觀風者

諸採

一國朝興革因禮損益者及據所見聞傳聞務爲足

徵疑者缺之令成信書

邢縣志纂修名氏

知縣高邑郭 簿編次

邑人周繼芳

李而洵

張暉

戴 上

段積善

馬維騏

馬而龍

戴廷梅

程奇玉

戴廷杖采輯

程振壽

馬中龍

呂賡韶

王玉汝訂正

典史金印斗

驛水樓維澤錄粹

祁縣志卷之一

輿地志

叙曰周禮職方氏掌天下地圖辨其邦國都鄙故辨方

正位體國經野上應躔次下列河山此惟王建國以辨

九服而分理天下也祁為太原屬邑昔稱名勝不有詳

述雖勝弗傳故首圖考以志形次沿革以志變疆域以

志廣輪星野以志分域山川形勝以志險要風俗節序

以志習尚古蹟丘墓以志遺踪一邑之槩若列眉焉志

輿地

圖考

溝縣界四十里

東至太谷縣界三十里


東南至武鄉縣

縣

境

東北至徐

源清至北



界一十二里


南至

之

圖

里十三界縣

界縣水文至北西



界三十里

平遠縣界十五里

一十里


西至文水縣界二十五里

西兩

卷一

元二


縣城圖







縣城圖

卷一

一




縣治圖




圖

之



宮

學



坊

論曰蕭何從漢高祖入關先收天下圖籍知天下戶口  
扼塞之數按圖知形因形敷治爲政之道在是也  
國朝鼎建因革損益非圖曷稽圖城則保障之思不下階  
序而了然矣圖縣治則臨蒞之謨殷然矣圖學則教化  
之方馨芹藻而盪泮水矣圖境則奠履柔能之政不出  
境而可洋洋四溢矣

### 沿革

一代定鼎更物改制興革之故必有其源委焉帝王疆  
理之大模懼其久而湮沒無聞也守茲土者其何所稽  
故重沿革

唐虞爲并冀域春秋時爲晉大夫祁奚食邑周禮載并  
州澤藪昭餘祁其地也魯昭公二十八年晉滅祁氏分  
其地爲七縣祁則命大夫賈辛守之其城今爲上下故  
縣二村戰國時屬趙秦併六國郡縣天下屬太原郡漢  
因之武帝封李善爲祁侯乃徙築於西北卽昭餘祁旣

涸之地今爲祁城村遺址猶存北元魏太和中并州別駕分瓚又徙築於西北卽今縣治北齊天保中省隋開皇中復置屬并州唐武德中割屬太州尋廢太州仍屬并州開元中改并州爲太原府縣屬如故歷五代宋皆因之金貞祐中用尚書左丞胥鼎議於縣東團栢鎮置幘州縣屬之未幾州廢興定中改清源縣爲晉州元廢晉州縣屬冀寧路

明仍屬太原府編戶四十五里

國朝仍爲祁縣錫太原府西平爲二十四里

### 疆域

形方氏掌制邦國之地域而正其封疆候人各掌其方之道治祁爲冀雍梁益孔道王軌四達不可無考謹述其大較云

東至太谷縣界三十里西至文水縣界二十五里南至平遙縣界十三里北至清源縣界三十里東南至武鄉縣界一百二十里西南至平遙縣界十五里東北至徐溝縣界四十里西北至文水縣界十里東西相距五十一里南北相距一百五十里周圍四百里由縣治東北一

百四十里達府治一千二百里達北京東南二十二百  
六十里達南京今改江南府

### 星野

保章氏以星土辨九州之地所封封域各有分星張衡  
靈憲論云衆星列布體生于地精成于天以志纏次順  
逆之變以觀妖祥動靜之幾祁雖藁邑亦有分域可紀  
也

縣屬太原稱晉地辨分星者當以晉太原爲主帝王世  
紀自畢十二度至東井十五度實沈之次於辰在申爲  
晉魏分野左傳鄭子產云參爲晉星晉書太原入東井  
二十九度唐書紫觜參伐貫沈也初畢十度中參七度  
終井十二度太原寰宇通志太原參井然則縣之分星  
其在參井之次與

論曰躔次昉自黃帝周天十有二次次有三十度度有  
分秒天之一度在地爲里二百有五十祁絕長補短僅  
方百里其於星野不過在分秒之間亦甚小矣昔子產  
不信禘竈之言而竈亦無驗是人定固能勝天而天定  
亦能勝人精斯術者析及微渺其有動人修省之志歟

矧地常靜定而星乃變動不居乎

山川 附原坡洞壑渠池泉井

易曰地險山川丘陵也在德者不恃焉蘊積隆厚代產  
偉人是山川之能增重于國也財貨殖寶藏與物阜人  
熙於是乎在祁東南諸山水多靈秀豈可無考焉以待

觀風者

麓臺山 在縣東南六十里高八里盤踞三十里形如臺  
又名頂山名蒙山名竭方山有張商英麓臺亭

上幘山 在縣東南六十里高五里盤踞五里巖峩奇  
上有五龍堂今廢

下幘山 在縣東南六十里高三里盤踞五里層巒疊嶂  
隱逸之士多居之上有幽仙寺

高峯壑山 在縣東南六十里高八里盤踞三十里形如臺  
冬雪雖盛暑不化山分二支轉折東北者為

綿嶺自麓十八盤方至頂轉正北者為龍山以首有龍  
嘴也

四縣腦山 在幘山東南三十餘里其形高大登之望見  
本縣太谷榆社平遙四縣故名

牛心山 在縣東南七十里高六里盤踞四里周圍有水  
泉峯巒特秀山頂尖圓似牛心故名

紫荊山 在牛心山南極高去縣一百餘里長約十里山  
石多五色西崖有赤土洞頂上有水泉大池東

岩有銀洞今塞西北山梁下有風洞口面三角風恒出  
其中深不可量

溫風嶺 在縣東南一百里紫荊山北嶺上有張果老窟  
下有天井仙峯槽蹄諸遺蹟

雙泉山 在子洪鎮南以山有雙泉故名

南原 在縣東南闊漫胡累大安南等都東西約二十餘  
里南北十里地雖肥磽不一咸宜麥俗稱麥之嘉

者必曰南原

**雙臺坡** 在縣東南梁村東兩臺對峙若相拱揖然故名

**黃羊坡** 在縣東南窰上村俗傳楊六郎行兵至此迷失道路有黃羊引之故名

**龍洞** 在麓臺山龍王廟中洞口有風聲如吼深三四丈內有四穴正北為龍王洞有水池上橫三木過此

有石乳下垂滴水南有太子洞潤濟侯洞亦俱有垂石滴水遇旱取水禱雨輒應惟東南一洞則去遠不可測

人無敢有深入者

**石夫子洞** 在子洪鎮雙泉山石崖中內有夫子像乃嘉靖中學憲陳公斐命邑侯李春芳鑿而繪之

者有碑記見藝文志洞轉而南一里餘有石狀如龍鴨嘴土人相傳云

**懸窰五處** 在嶺山者一座內有子窰故老相傳名仙人窰後人因以避兵在北關者五座在閭漫村

水神溝南西崖中者二座之字溝北崖中者一座馬家峪者五座俱深遠堅硬難以避難人多賴之

**胡甲水** 源出武鄉縣胡甲山故名北流經龍舟谷名龍舟水會合諸泉轉折西流經縣北而西入汾名

昌源河下流多沙土俗呼沙河通志云龍舟一作隆州東經本縣昌源河引渠亦名昌源水溉六支等都至賈

令鎮南諸鄉村田

**通光水** 源出縣東南嶺山北上庄東南溝中流出谷口益以太谷縣胡城谷水北流經縣東東管等村

名胡溪河至西北合昌源河入汾通志云出縣東南四十里胡城谷中北流溉田又名胡城水

**迴馬谷水** 一名五馬河源出太谷縣東南迴馬谷流經縣北西合昌源河入汾

**石佛河** 源出縣東南四十里栢園村南坡下流至下申等村漫散

**伏羅水** 源出縣東南三十里伏羅嶺故名流經王斜村東名王斜河北入昌源河

子洪渠 上渠自石佛崖南流經本鎮分灌鎮東西田中渠分自上渠流本鎮外灌正北田下渠自石佛崖北流灌本鎮及落陽村郛北田

魯村渠 自子洪引灌本村田

龍濟渠 自澗壑村北引灌大韓小韓温曲祁城三及張名下申郭村城南西關九角村田

官渠 自河灣村北引灌西六支王村會善豐澤三及城南等村及西關廟田

斜渠 亦自河灣引灌西六支秦王三村田

沙渠 自西六支引灌劉家堡高村田

小沙渠 自劉家堡北引灌高秦會善豐澤四村田

大東渠 自東六支小東渠引灌本村大賈高家堡瓦屋小賈等五村田

胡帳渠 自東六支引灌小賈姜家堡長頭三村田

范公渠 自東六支引灌姜家堡范公戴家堡等三村田

北左渠 自東六支引灌左東左西北左等三村田

賈令渠 自沙堡村引灌本鎮及豐澤豐戶等村田以上

皆昌源河支流

南梁渠 上渠自馮家峪村引水下渠自南梁溝引水灌

二村田以上皆通光水支流

五龍池 在橫山五龍堂舊址前東西各一

子洪池 在鎮南山麓周闌石砌水甚甘鎮人利之

昭餘池在縣東南七里祁城村周禮所云昭餘祗卽此  
世遠涸鹵元至元十一年濬得細水爲昭餘池歲  
漑民田及隍下樹木芴建成湯廟後池水涸順治  
九年池水復溢

海眼離城三十里在馬射灣有激出其下上建水母廟  
李公自問起長嘯樓讀書其中林木翳然植以松  
栢週以池沼夏蓮花盛開中鑿方池畜金魚數百  
頭一可方舟以採蓮建亭跨兩池上大似江南風  
景水至冬不涸土人相傳爲海眼云

### 雙泉二

一在丁洪鎮南雙泉山流入溝流口一在高峯

### 馬跑泉三

二在麓臺神祠南北俗傳皆麓臺神馬所跑  
或謂宋太宗取河東時路經此地御馬所跑  
一在上嶺山東俗傳康皇后曾沐髮於此今其水不堪  
飲山人溫麻多用之

### 甄拔突泉二

俱在南梁上庄東南溝中二泉相去不遠  
通光水之上流也

### 井三大井

在縣治東北隅鑿於建城之後其味極甘井  
西有世相坊義倉遺址一畝

### 義井

在縣治東南察院巷盡南相傳爲元義門溫義之  
井故名味頗甘隣近居民多汲取焉

### 滿井

在縣治東南十五里闔慢村水神溝井泉湧出冬  
夏長流土人編渠輪漑田畝

論曰山竭採樵泉多塌隱潦則河漲田多衝沒旱則涸  
稿苗無以興民將何所利賴耶說者謂宜嚴山禁以毓

靈秀濬昭餘以廣水利增支渠築堤防以弭河害修樽節教養之政開育材富民之源豈非今日所當講求者乎

### 形勝

麓臺峙於前昌源縈於後左翼鳳山右跨汾潞而通光五馬諸河經絡其間通志謂羣山遙障東南清汾旋繞西北蓋自古稱壯邑焉邑人摘其勝槩以爲八景曰麓臺龍洞曰昌源春水曰幘山晚照曰龍舟夜月曰高峯積雪曰故縣龍槐曰一節二井曰沙城斷碑各有題詠

### 見藝文志

### 風俗

土瘠民貧俗尚勤儉男耕女織殆無遺力士修實行好學不倦敦孝弟重廉耻君子謂有陶唐氏之遺風焉邇來侈靡相習淳風頗漓寢不逮古矣然人崇節義猶多勁直之氣故易與爲善移風易俗一變至道是在長民者鼓舞而化導之耳

### 節序

正月元旦

風起祀神祀先畢子孫拜賀尊長親朋遙相拜賀

立春日 觀土牛帖宜春字茹春餅

十五日 名上元節祭天地設鰲山懸花燈放煙火聚飲絃歌有太平景象

十六日 縱遊郊野好事者效吳王闔廬於寬閒處埋九曲爭遊焉

二十五日 各家搬取水土謂之添倉

二月二日 食黃蒸先一日晚以竈灰圍宅避諸虫入

社日 祀土穀之神

春分日 釀酒拌醋

三月三日 沐且以楊柳枝鞭臥房四面禳除蛇蝎諸虫

清明節 拜掃墳墓添土亦有前三日舉者豎鞦韆放紙

二十八日 縣西北五里中... 遊貿易焉

四月八日 神城子洪各有汛... 如中秋云

五月五日 名端陽節是日祭先九祖... 兒繫五色壽絲親識

作角黍相贈

六月六日 晒衣儲水造麩醬

七月七日 女人設酒果拜織女以乞巧

十五日 名中元節取麻穀設瓜采祀祖先

八月社日 祭如春社

十五日 名中秋節陳設瓜果香醞說月

九月九日 名重陽節 醪酒蒸花糕以餽親贈或約與友載解雁登高賦詩用佩典懷

十月一日 拜祭祖塋焚寒衣

十五日 名下元節 以齋醮祀水神

十一月冬至日 祀祖先

十二月八日 食臘八粥

二十四日 掃舍祭竈

除夕 易門神桃符修歲事陳祀儀多炸娶

古蹟

故縣城 在縣東南 漢代故城 遺址猶存

邠城 在縣東南七里 卽漢邠侯李善所築之地 今遺址猶存

趙襄子城 在縣西北八里 圖志云趙襄子所築 今爲城 趙村村東有土臺三所 亦云趙襄子所築

沙城 在縣西五里 相傳爲燕慕容垂所築 基址存焉

郃城 在縣西南七里 春秋傳晉絕秦書曰焚我箕郃卽此 今爲高城村 基址微存 通志郃城昔多解姓 相傳爲解狐所居地

禿髮城 在縣東北二十里 相傳爲禿髮烏狐所築 今爲大賈村 史傳未詳

隆舟城 在縣東南三十里 圖志云五代時劉繼元築 以拒周 戊河東 記云宋太平興國四年春 攻隆舟 卽此地 也有遺址 在今團栢鎮之東

楊六郎城 在縣東南二十五里 落陽村遺址 猶存

論曰世更事異弟古興懷是故禹穴探奇秦宮惜費石  
鼓殘文之罟遺畫亦博古者之所不廢也祁古名邑往  
蹟猶存然而廢址遺墟亦足增慨居今思古君子固宜  
有餘感矣

丘墓

周大夫祁奚墓 在縣南七里榮仁村北周圍四十八步  
東北至張勳西南俱至范尚川

祁午墓 在奚墓右周圍三十步東北至張勳西南至范  
尚川

漢隱士周黨墓 在小韓村東南南周圍一百步零三尺東  
至申尚能西至劉道南至劉尚端北至

劉永福

校尉温序墓 在縣西北以善村建武中外節光武賜以  
賜塚其子以序言久客思故鄉乃遷葬於此

司徒王允墓 在縣西北以善村西長二十五步濶二十  
步東至王胡切西北至楊三聘南至道

梁大司馬王僧辨墓 在縣東南大桑村北長二十四步  
濶十六步東南北俱至范思會西

至武尚先有石人

魯昌王唐邑墓 在大韓村東南南北長五丈五尺東西濶  
三丈七尺八高一丈二尺上長一丈東至

郭法堂西南北俱至武進才有碑剝落

北齊應州刺史唐義墓 在小韓村東南南周圍四十步高  
一丈一尺四至俱濶天才

太常寺卿唐監墓 在大韓村唐邑墓西南南周圍一十八  
步高一丈上長七尺東至王友段西

至韓才金南北至韓登科

韓彥祖墓 在白圭鎮西南高二丈八尺長三十二步濶三十二步東至梁謨西至渠應祥南至李廷虎北至王強

唐范鑾冑墓 在縣西六里白圭村沙城南周圍三十八步東北范堯化西南至范九緒斷碑微存

尚書温大雅墓 在縣東北五里會善村東周圍九十步高二丈東渠岑西郭應成南郝炳北道

清河郡公温大有墓 在縣東北三百八十步長二十三步四尺北濶九步三尺中濶十步

一尺南濶十步二尺東至頂啾西至温計宗北至羅三畏

處士段大隱墓 在東六支村東北東西二十二步南北二十步東南至馬應才西北至段廷雨

尚書程日新墓 在縣東北十里高村東長二十七丈五尺濶七丈一尺東至楊守會西至呂志

玘北至馬朝雷南至道石柱石人石羊虎各四碑文刻落

明知縣郭秩墓 在縣東三里三及村南

大理寺少卿古鏞墓 在縣東北一里

御史楊堦墓 在縣南六里下申村西南

知府龐瑄墓 在縣東三十里南梁村

憲副閻睿墓 在縣東北二里會善村南

知縣閻繩芳墓 在府墓右

勅贈員外郎馬天祿墓 在縣東三里三及村北

誥贈都水司郎中李鎰墓 在縣東三里會善村南

勅進承德郎戴履墓 在縣東南一十八里圓臺溝北

工部郎中李憲墓 在縣東三里會善村南

方伯戴光啓墓 在縣東南四十里王斜村南

知州李自問墓 在縣正南二十五里南建安村西

孝廉馬雲駟墓 在縣東北三十里魯村南

論曰先賢有功德于人口且沒世不忘遺丘所在有懷仰止孔子題延陵季子有以也祁古名賢鉅卿遺塚壘壘然世代更易陵谷變遷細民無知耕耘擲沒者有之卽存碑碣剝毀不可稽特坳土人相傳志其可知者耳漸阡近隴因其人之賢之貴而並載焉志勸也

### 建置志

敘曰夫縣之有經制凡以爲民也祁常近邊孔道民社攸存建置罔不周焉置城池嚴民衛也置縣治聽民事也置學宮育民才也置公署肅民瞻也置壇祠重民祀也置武備虞民患也置里鎮置市集奠民居而通民財也置坊表置舖舍聳民望而檄民務也置橋梁置宮室便民涉而壯民觀也闕其一則疎敝其一則陋疎且陋民將焉賴厥係誠重矣哉

城池 附堡寨墩

土城肇自後魏并州別駕分瓚所築圍四里餘三十志  
高僅二丈五尺厚約一丈八尺門壕馬路粗備

明知縣岳魯增築署印太原衛經歷莊科加高濶各五  
尺許創築東南北月城三座幫修敵臺三十座萬曆五  
年知縣王牧始用磚甃圍廣如舊高厚又增之計今高  
三丈三尺底濶三丈四尺頂濶二丈二尺八年知縣張  
應舉撤東南二門樓起造層閣餘月城警舖諸舍咸用  
增飾濬壕四面各深一丈濶三丈內牆一道高六尺外  
堤一道高七尺濶一丈壕下植柳樹二千餘株又扁其

門東曰瞻鳳西曰挹汾南曰德麓北曰拱辰金湯壯麗  
稱雄障焉舊制南門向東北門向西無何南北門俱一  
直改正甚而城北東隅女墻下置溝渠四十有比不知  
創自何人父老相傳以爲泪痕明季迄今數十年來人  
思剗補而力不能康熙四十四年知縣朱理因士民之  
請而力任之渠則填平南北門仍復原制焉

西關城嘉靖二十年知縣王允言創築周圍二里高二  
丈五尺底濶二丈頂濶一丈墻高五尺東北門各一  
座南門三座敵臺八座俱設樓舍西南北面各濬壕一  
道深一丈濶三丈護牆一道東倚大城壕隆慶四年知  
縣胡以祚傳易土墼

南谷豐堡在縣西北二里嘉靖二十年築圍二百二十

步高二丈五尺底濶二丈頂濶九尺女牆高五尺門一座敵臺六座俱有樓舍壕一道深一丈濶二丈護牆一道

高村堡在縣東北七里嘉靖二十年築圍四百步高二丈五尺底濶二丈頂濶一丈女牆高五尺門一座敵臺一十座俱有樓舍壕一道深一丈濶二丈護牆一道

西六支堡在縣東北一十里嘉靖二十四年築圍四百八十步高二丈五尺底濶二丈頂濶一丈女牆高五尺門一座敵臺九座俱有樓舍壕一道深一丈濶二丈護牆一道

武鄉堡在縣正東二十里嘉靖三十年築圍一百二十步高二丈五尺底濶二丈頂濶八尺女牆高五尺門一座敵臺四座俱有樓舍四面深溝數丈護牆一道

溫曲堡在縣東南十里嘉靖二十年築圍二百步高二丈五尺底濶二丈頂濶八尺女牆高五尺門一座敵臺四座俱有樓舍壕一道深一丈濶二丈護牆一道

白圭堡在縣東北三十里嘉靖二十年築圍四百一十步高二丈五尺底濶一丈七尺頂濶八尺女牆高五尺門二座敵臺四座俱有樓舍壕一道深一丈濶二丈護牆一道

谷戀堡在縣東北十八里嘉靖二十年築圍五百五十步高二丈五尺底濶二丈頂濶二丈女牆高五尺門二座敵臺四座俱有樓舍壕一道深一丈濶二丈護牆一道

賈令堡在縣正北十五里嘉靖二十年築圍八百步底濶二丈頂濶一丈女牆一丈門三座敵臺一十六座俱有樓舍壕一道深一丈濶二丈

王村堡在縣東北七里嘉靖二十年創築圍三百六十步高二丈五尺底濶二丈頂濶一丈女牆高五尺門二座敵臺七座俱有樓舍壕一道深一丈濶二丈護牆一道

安寨在縣東南三十里子洪鎮雙泉山頂嘉靖間設圍二百六步西面牆高二丈壕深濶各一丈東南北三面牆高一丈九尺臨溝門一座內有真武廟  
來遠寨在縣東南七十里來遠鎮東山頂嘉靖間設圍三百二十步高六丈許四面臨溝上壘石牆五尺

冲天墩五座 一在小韓村一在胡帳都一在小義村一在砲守堡一在東六支各高三丈圍約十五丈上蓋瓦棚俱隆慶間設

新韓鎮 萬曆二十五年知縣韓朝貢所建內有察院一座小官廳一所東西棚門周圍墻垣交界坊牌鎮成甘泉出名其泉為感應泉云今亡

論曰縣城以磚石固甃門若隍次第飭理保障以之獨  
堡寨頻年傾圮完輯者十無二三無裨守禦圖修葺則  
民力難堪事苟延則不虞可慮畜民財以待興作實工  
費以垂永久誠今日之急務矣雖然當此民窮財盡之  
日將休養之不暇奚暇及此乎說者又謂堡寨歲時查

點向多宿弊令人以速北報免為幸釐而禁之亦惠政也

縣治

縣治在城西街明洪武三年建中為堂前為戒石亭左  
為庫房右為幕廳外為儀門東列承發司吏戶禮曹西  
列軍器架閣庫兵刑工曹堂後知縣宅庫東為縣丞宅  
幕西為主簿宅東曹典史宅吏舍在西曹之後舊廩在  
西曹之南旌善亭在縣門外左申明亭在縣門外右儀  
門左有土地祠迎賓館預備倉儀門右有犴獄有馬廐

正南爲譙樓大門進士閭繩芳記之創始者明縣丞丘  
昱繼脩者知縣王胤張上達劉銳車錦魏域而賓館倉  
房則前令張應舉所拓新也萬曆二十五年知縣韓朝  
貢包獄牆內外爲磚牆高一丈五尺虎頭獄門一座小  
獄門一座建磚倉廩二座以藏積穀二門磚砌重新衙  
門改觀

論曰夫縣治者出政之所也問民疾苦者恒於斯辯民  
寃抑者恒於斯古者居陰谷陽嚮明而治蓋取諸此登  
斯堂也能無艾於孔邇之思乎今堂屋焚毀締造維艱  
乘時創建不能無俟於後之君子焉

學宮

附制書射圃學

川水分

舊在城南街東巷今按察分司地金大定中知縣傅  
弼創立明縣丞張弘知縣楊仲居王胤各加修葺嘉  
靖二年巡按御史王公秀檄縣令楊本源徙今址因  
浮圖宮之舊中爲大成殿五間東西爲廡各七間前  
爲戟門三間兩旁爲名宦鄉賢祠各三間南爲櫺星  
門外豎木坊二座明倫堂五間在殿之左居仁由義  
各五間在堂之側禮門在兩齋之前儒學門在禮門

之前啓聖祠在學門左敬一亭在明倫堂後教諭訓  
導宅凡三所則附啓聖錯置焉一修於萬曆九年知  
縣張應舉重修於萬曆二十五年知縣韓朝貢東建  
文昌閣西建書院然而育次隘塞猶未煥然改觀也  
萬曆三十一年知縣趙德於城南牆下築土爲臺兩  
傍爲雲路俱用磚包上建登雲樓一座甬路直通至  
櫺星門下建文廟坊一座德配天地道貫古今二坊  
各改建開丈餘許又東西離十餘丈許建興賢育才  
二坊進而戟門增高二尺餘許又進而殿後建尊經

閣五間崇禎十四年知縣崔錫胤教諭張珮訓周加欄  
柵易興賢坊爲奎婁聚耀育才坊爲慶鳳登祥順治十  
六年知縣郭霽重修正殿兩廡蔚然一新移置廟前照  
壁於南城下又塞東廡旁門以培秀氣至康熙四十四  
年凡尊經閣櫺星門以及登雲樓雲路麟鳳坊並頽壞  
傾圮知縣朱瑄設法重修又移置照壁於文廟坊北規  
模潤大人文自茲漸興矣

制書

四書大全一部五經大全各一部性理大全一部通鑑一部孝順事實一部爲善陰騭一部

射圃

舊爲社學今改射圃廳三楹知縣王時英建廳基爲鄉官許台備捐康熙十二年知縣陳祖法改爲

昭餘書院後廳三楹爲祁大夫祠詳載本人重建祠後神位記金昭餘書院記中

學田地會善村共水地四段第一段新渠地係東西  
畝計地舊賦役壹拾畝新丈爲壹拾壹畝陸分內磚井  
二眼東至渠西至頂畝南至閘車車北至道第二段范  
家地係東西畝舊賦役伍畝新丈爲伍畝肆分柒釐內  
磚井一眼東至王應昌西至道南至崔汧北至王應昌  
內渠地壹分陸釐叁段長畝地係東西畝舊賦役壹拾  
畝新丈爲壹拾貳畝內磚井一眼東至渠西至道南北  
俱至王進賢第肆段梁城地係東西畝計地舊賦役壹

拾貳畝新丈爲壹拾貳畝叁分貳厘內磚井一眼東至  
渠西至道南至閘守川北至楊一行各四至分明共舊  
賦役地叁拾柒畝叁分陸厘新丈爲肆拾壹畝伍分伍  
厘地價照舊賦役叁拾柒畝叁分陸厘作價銀壹百壹  
拾貳兩捌分外并價銀柒兩玖錢貳分共價銀壹百貳  
拾兩整 水分奉帖立碑官渠水分徃日三十四日一週  
今後以三十五日一週爲此閘學生員王興等官渠渠  
長渠宗賢馬文清羅三仁閘讓楊一經王會郝冲遜等  
卽便執帖每遇官渠使水勿論春夏秋冬三十五日一

週則是此一晝夜水分係學渠水先年暫用卯辰巳午  
四時上至王村末挨次使水灌溉學田其未申酉戌亥  
子丑寅八時年遠混入民間生員馬中龍等公舉知縣  
郭霽力主改正學水一晝夜始全 租課照舊賦役收  
租每畝秋七夏三折銀柒錢草五束共折銀貳拾陸兩  
壹錢壹分肆厘貳毫草壹百捌拾柒束 糧銀照新丈  
地納糧每畝捌升貳合折銀玖分貳毫共地四十一畝  
五分五厘該官數二兩七錢四分七厘八毫外雜費銀  
三錢七分共該納銀四兩一錢二分二厘 督租從  
齋長收管待貢後交與次齋長挨次輪流凡一切收租  
納糧共草等項俱以首齋長爲主而衆齋長輔焉 散  
租奉帖文批允每年計其所入散與諸生不論貧富一  
槩均分諸生中有將學中公禮全出者全領半分者領  
一半不出者分毫不與永爲定規不得反悔  
論曰學宮因浮屠之舊从矣前代雖經屢修規制稍脩  
人文漸興而年來兵火相繼士子竄逸山林不鞠爲茂  
草者幾希

國朝首重學宮令士子有力者捐資修葺闔邑紳衿互相

勸助廟貌改觀至於精勤德藝為斯文增重則又官師弟子之力不徒在官牆間也

公署 附倉場局院

察院行臺

在縣西街洪武年創中為堂側為茶廳左右為廂房前為儀門又前為大門兩旁為官廳後為退堂東西為吏舍厨厠巷前為坊亦知縣魏域重繕

布政分司

在縣東街洪武年創中為堂左右為廂房前為儀門又前為大門後為退堂東西為吏舍厨厠隆慶四年知縣魏域重繕

按察分司

在城南街東巷賈令驛舊基也因驛改建西關知縣趙德於萬曆三十一年建中為堂左右為廂房前為儀門又前為大門後為退堂東西為吏舍厨厠

府館

在縣院巷西洪武年創堂室門廳俱加制視二司差監亦知縣魏域繕今廢

來遠公館三所

有門有前堂左右廂房有退堂左右吏舍厨厠知縣王牧建今廢

賈令驛

舊在賈令鎮洪武年設嘉靖十三年參政高公叔嗣允知縣劉銳之請徙建於縣城西街東巷

之舊學基年遠就圯且因倒換夫馬不便知縣趙德於萬曆二十八年請允院道改建於西關廂居中之街北前為門為鼓樓左右為馬房中為重門又內為廳後為任房東為馬神廟西為監房

盤陀驛

在子洪鎮洪武三年設中為堂左右為廂房前為儀門又前為鼓樓後為退堂東西為吏舍厨厠驛丞任舍在驛迤西

盤陀公館

在驛西嘉靖十五年參政高叔嗣檄置前有廳有左右廂房有門後有寢室有左右厨厠

盤陀通運所

在子洪鎮洪武七年設有門有廳左右有廂房廳西有大使任舍

龍舟谷巡檢司

在北關鎮洪武三年設有門有廳有左右房後有巡檢住宅

陰陽學醫學俱在城東街洪武二十三年建

僧會司 在上生寺

道會司 在太清觀

預備倉

在縣大門內東前門一座東西南廩房各五間萬曆八年知縣張應舉建

草場

舊在城東南隅因知縣韓朝貢於學西建書院知縣趙德於學西闢路建麟鳳發祥坊俱係戴氏之地給帖兌抵其草場改在城隍廟東舊養濟院基有門有垣

社倉三處

一在賈令鎮堡北門外正瓦房三間一在西六支堡中心路東東瓦房三間一在子洪鎮

館驛西正瓦房三間

養濟院

舊在城隍廟東年遠頽倒且逼城陰冷住者多委知縣趙德於萬曆三十一年改建在北門外

邑厲壇之北

惠民局 在縣治西有門有房知縣王牧建

漏澤園

在縣西十里舖西計地二十四畝邑人李熹施知縣張應舉置

新韓鎮察院

前堂三楹後寢三楹前後左右各三厦大門二門小官廳一所知縣韓朝貢建今亡

子洪分司

舊社倉基也陞任知縣韓朝貢蓋堂三間為兩司會所未卒業而就圯知縣趙德於萬曆

三十一年將地界為兩基建為前堂後寢又後為厨廁東西兩厦前為二門又前為大門建為小分司者二

西關公館

前有堂後有寢知縣韓朝貢建

論曰公署古也古以為民今以為吏陋矣單子譏陳子

產毀館重皇華逆賓旅非徒以趨承督郵也因時葺治

亦其所不容已矣

壇廟

先師廟 在縣治東南

啓聖公祠 舊在學宮東南  
今改明倫堂後

名宦祠 在文廟內戟門左

鄉賢祠 在文廟內戟門右

社稷壇 在城西一里許壇崇三尺東西二丈五尺南北  
稱之基長二十丈廣一十丈繚以周垣洪武九年建有庫厨齋宿諸房今俱廢

風雲雷雨山川壇 在縣南二里許制如社稷壇洪武九年建

邑厲壇 在縣北百步餘制如社稷壇洪武九年建

民祭壇 明初每坊都各為一所歲時祈報今不盡存世  
相坊在段家巷北今已變賣民間麓臺坊在倉  
場前左西關廂在祁公祠迤東街北三及都在村西南  
會善都在村北王村都在村西北大韓都在村北閻漫  
都在村西北祁城都在村北榮仁都在村西北張莊都  
在村北大安南都在村北城趙都在村東南王喬都在  
澗村北崗上修善都在村西北大義都在村迤西東管  
都在村西北上段都在村西南賈令都在村西北餘俱  
無考

城隍廟 在縣治東元許仲義等建順治八年重修規制  
大脩詳載邑人周繼芳記中

土地祠 在縣治內儀門前左知縣張應舉重修

馬王廟 在驛東

八蜡廟 在西陽羽村

二帝行宮 在東六支村春秋時建元大德間明嘉靖間重修

成湯廟 有二一在祁城都昭餘祁故地元至元建嘉靖移置舊址北三十餘步一在子洪鎮雙泉山半

金大定建有元主簿何世祿記一統志云昭餘祁數側祀成湯歲旱土人爆沙聚置甌其上以禱得水輒應

中嶽廟 在城西北七里宋時建歷金元明代有修尊元教諭李之芳記

龍王廟 在縣東南麓臺山頂中有古洞八景有麓臺龍洞即此

武安王廟 在縣二一在儒學巷北元延祐七年建弘治嘉靖間重修有邑人戴賓記一在北門月城

內隆慶四年建其建於各村鎮者不悉記程敏政諡議曰關將軍某仕漢封漢壽亭侯諡謬而今之祠扁止曰

壽亭侯不書諡意以漢為國名故不書以謬為惡諡故

九非考之史漢壽亭本邑名在魏為史稱費禕遇於漢壽

而唐人詩亦曰漢壽城邊野草春是以知漢壽者封邑

而亭侯者爵也東漢之制有縣侯鄉侯亭侯皆以寓食

人之多寡今去漢而以壽亭侯封邑誤矣又昭烈勸進

表其首列銜曰前將軍漢壽亭侯關某若以漢為國名

不當以錯置於職名之下至於諡法武功不成曰謬而

謬穆古通用若秦穆公魯穆公在孟子漢穆生晉穆彤

在史皆為謬蓋傷公之敗國故諡壯謬節惠而宋岳飛

諡武穆意與此同今乃諱之以為惡諡豈理也哉神

之諡號在古為重而世俗踵弊殊無知者故為訂之

按漢前將軍漢昭烈之封爵也壯謬節惠諡典也而漢

壽亭侯乃漢獻帝先所授之銜至明辨矣宋徽宗加崇

寧真君元封義勇武安王號皆為黷禮明侍郎程敏政

辨論頗詳今附諸此

三義廟 在西管村創由無考

利應侯廟 有二一在縣東南一里周圍土臺三畝餘一在西建安村北金大定間建有邑人溫昉記

潤濟侯廟 在縣東南麓臺山頂宋宰相張商英建各村鎮多有廟建者不悉紀

祁大夫祠 有二一在郛城村隆慶間重建一在西關知縣張松建併記舊在文廟西隅今射圃乃其地也康熙十二年知縣陳祖法復改射圃為祠前為昭

餘書院 有二一在修善西北知縣吳大道建一在西關馬王廟東知縣朱理建

王司徒祠 在會善西北亦吳大道建祀序大雅彥博大有造等賢

溫氏先賢祠 在會善西北亦吳大道建祀序大雅彥博大有造等賢

張都督祠 在西六支村

武備演武場 在縣北一里許長一百四十八步闊三十

軍器 紅旗大砲四位大號京樣砲四位二號京樣砲四位三號京樣砲一位十六位營虎砲四位三號

銃五十三杆佛朗機一十杆獨眼鏡四百八十杆見貯庫火藥三窰黑鉛一百八十觔硝磺一千五十觔

將臺 舊土築知縣韓朝貢磚包

里甲 附鎮

祁昔稱殷庶為里四十有五明季天災流行民多逃徙

甲申而後屢經兵火村落成墟矣知縣郭霽均平里甲

以編審簿冊循序分立每一千二百丁為一都一百二

十丁為一甲一切差役無從前偏苦之弊今第存其

名與鄉之分屬為省為更不氓其始也 詳載邑人周繼芳記中

世相坊 在城西北方為街二巷五

三西都 三汲都在縣東南二里附村二曰郭村曰千由村西六支都在縣正東一十里附村二曰劉家堡曰梁家堡合為今名

會善都 在縣東北三里附村一曰豐澤

王村都 在縣東北七里附村二曰高村曰秦村

上北都 北左都在縣東北三十里附村二曰高店曰左東上真都在縣東北二十里附村二曰秦家堡曰瓦屋合為今名

二義都 大義都在縣東北四十里附村二曰楊家堡曰沙堡小義都在縣東北四十里附村一曰北堡曰張家堡合為今名

胡范都 胡帳都在縣東北三十里附村一曰麻家堡公都在縣東北三十里附村三曰戴家堡曰姜家堡曰鞏家堡合為今名

麓臺坊 在縣東南方為街二巷九子洪都在縣東南三十里附村二曰洛陽曰三家村東冀都在縣西南七里為村四曰郛城曰常家堡曰薄村曰白圭村今併八坊甲

王喬都 在縣東南二十五里附村五曰武鄉曰西澗曰趙家堡曰北園栢曰南園栢

東白都 東澗谷在縣東南二十里附村四曰澗壑曰窰上曰牛車村白圭都在縣東北三十五里附村二曰礮守堡曰團栢鎮梁村都在縣東南二十五里附村二曰郛北曰水峪溝合為今名

東管都 在縣正東一十五里附村一曰西管

東六支都 在縣正東十五里附村一曰北舍

胡累都 在縣東南三十里附村四曰上閻燦曰下閻燦

中梁都 在縣東南三十五里附村四曰杜家庄曰侯家

南梁都 在縣東南附村五曰馮家谷曰上庄曰下庄曰

東谷都 在縣東南八十里為村七 曰虎陷溝曰梁家村

舉善坊 在城西南方為巷七

大韓都 在縣東南十五里附村一曰下故縣

小韓都 在縣東南十里附村一曰申村

張名都 在縣東南十里附村一曰蒲篆

閻安都 閻漫在縣正南十五里附村三曰大桑曰小桑

為今名 閻漫村近稱閻名村何家堡即今之任何堡閻名居北

而任何在南相距約三里許閻名村內素有古道一條

為任何堡人往來必由之路其來已莫詳所自矣嗣以

人心不古強弱勢殊閻名村人戶大丁繁復多強暴遂

謂此道止為本村庄農車由之巷於場工既畢之後即

可無用乃相率堵塞欲嚴村守以省防範自以為計則

得矣曾不思任何等堡之人不皆而墻而却步乎在任

何堡人雖力莫與敵而心終不甘遂於康熙二十九年

十一月內閻堡連名八霸塞古道利已害眾等情赴控

於縣知縣王益聰聽行馳看見其斷不宜堵將閻名村

倡首之田實穎責處儆眾仍行立案遵守附看於後

審看得任何堡與閻名村隣壤也閻名村有古道一條

歷經年久往來甚眾而任何堡之人民入城恒由此捷

徑焉乃閻名村之田實穎者近借安柵為名築垣堵截

以致任何堡未免離此而迂路所以郭增光等連名以

戶霸塞具控也今經本縣親勘既屬古道自難新堵利已

補縣志 卷二 元又三十一

阻人亦非情理合令折墻照舊便行其田實額為一村巨孽恃強碍衆薄責以儆存案

自康熙二十九年立案之後歷經一十六載相率遵行無異乃至康熙四十四年九月內閭各村人忽而又起事端將通行之路復行壅堵致令任何堡衆執案再控知縣朱理親赴查看亦謂不可飭將墻垣坍塌毀立柵兩頭均得其便仍為批照入誌永行遵守附批於後

閭各村內走道原係南北通衢無如本村之人值冬閉月則思閉塞遇夏耕種則又復開耑圖利已全不顧人是以前經互控案卷炳存及四十四年又經控告本縣親經勘驗實為必不可堵之要路也所以斷令村之兩頭俱令修立柵欄禁其堵塞特恐日久再生事端准入誌書永為遵守庶不致又生異議也

竊思村之有路原欲通行有路復塞是誠何意始而築閉已屬不情既斷復違更為玩法愚頑執拘議可慨也今將兩斷備為開載與其共為遵守勢難再起風波則鄉黨輯和雀角永絕由此而守望相助疾病扶持唇齒相依利害與共又何必塞路而後始安也其風俗之醇

人情之厚俱於是乎在矣而兩公息訟之笑不可益後

邢城都 在城東南八里為村三曰上寨曰下寨曰温曲

榮仁都 在縣東南七里附村五曰東城曰韓家庄曰仰安曰九及曰任家堡

故縣都 在縣東南十五里附村三曰水集溝曰上八洞曰下八洞

張庄都 在縣東北三十里

南封都 在縣東南八十里為村三曰團城曰宋家庄曰北關

西關廂 附城為街一卷五併西陽羽都在縣北十五里附村一曰高家堡併入廂甲內

上安都 上段都在縣正西二十里附村二曰郝家堡曰上曲北谷都在縣西北七里附村二曰南谷豐曰西韓村西建安都在縣正西十五里附村一曰砲守堡合為今名

城陽都 城趙都在縣西北七里東陽羽都在縣北十五里附村二曰李家堡曰南左合為今名

修善都 在縣西北十里附村一曰豐下

二賈都 大賈都在縣東北二十里附村二曰新堡曰高家堡曰河灣賈令都在縣七十五里附村二曰沙堡曰吳家堡合為今名

北關鎮 在縣東南九十里相傳宋太祖瓦河東克金鎮關即此明設巡檢司

賈令鎮 在縣北十五里相傳周賈辛為大夫民甚德之故名

白圭鎮 在縣東三十里

團相鎮 在白圭南去縣三十里金置幘州即此

子洪鎮 在縣東南三十里

盤陀鎮 在子洪東南去縣五十里

來遠鎮 在盤陀東南去縣七十里

市集 奇日各街輪開自辰至午

縣市 賈令鎮 故縣 廢 城趙 廢 上段 廢

澗村 廢 子洪 來遠 東管

北左 長頭 市俱耦日

論曰日中為市制也然時有三害焉猾惡把持一也征權無藝二也牙獍攫取三也去其害以貽民利在長民

者加之意耳

坊表

德配天地坊 在文廟東

道冠古今坊 在文廟西

桂林坊 在儒學街今易奎婁聚曜

澄清坊 在察院巷今易磨鳳發祥

繡衣坊 為御史高塔立

進士坊 為古鏞立

世憲坊 為大理寺左少卿古鏞立

蟾宮坊 為舉人袁平立

連桂坊 為舉人楊璉立

進士坊 為楊璉立

繡衣坊 為御史楊璉立

繼美坊 為舉人龐瑄立

進士坊 為龐瑄立

登雋坊 為舉人闕景立

步蟾坊 為舉人張恭立

觀光坊 為舉人王昂立

扶搖萬里坊 為舉人孔忻立

龍門躍浪坊 為舉人韓文珍立

騰蛟起鳳坊 為舉人闕膚立

進士坊 為闕膚立

柱史坊 為御史闕膚立

憲副坊 為浙江副使闕膚立

龍勃褒榮坊 為贈經歷許開立

飛黃騰踏坊 為舉人武錫立

攀龍附鳳坊 為舉人王廷美立

鳴鳳坊 為舉人許鴻程立

亞魁坊 為舉人郭儒立

登龍坊 為舉人溫尚武立

進士坊 為闕繩芳立

登雲坊 為舉人王天爵立

大中丞坊 為都御史孫慎立

鴻臚坊 為序班范璩立

天恩推寵坊 為贈主事馬天祿立

恩綸申錫坊 為贈工部郎中李鎰立

進士坊 為李憲立

冬官大夫坊 為工部郎中李憲立

青瑣名臣坊 為兵科都給事中戴光啓立

紫薇方伯坊 為河南布政使戴光啓立

西夏干城坊 為陝西按察使戴光啓立

甲第承華坊 為進士戴光啓立

綸恩申錫坊 為進階承德郎大名府通判戴賓通奉大夫河南布政使戴光啓立

明時慶鳳坊 為戶部員外郎戴運昌立 天章煥寵坊 為雄縣知縣許台儁立

氣節凌霜坊 為節婦武氏立

舖舍

總舖 在四關 高城 以上三舖在北 東城 以上三舖在南 沙河

賈令 北左 以上三舖在北 自主 團栢 魯村

三家村 盤陀 團栢 來遠 北關 以上八舖在東

界南抵武鄉縣界

路北抵太谷縣

論曰置郵傳命由來舊矣宋元始有急遞舖之設所以

宣上德達下情也修葺不勤則公務廢程限不嚴則王軌

淹可不重歟

關梁

隆州谷關 在祁縣東南九十里南通沁州北通徐溝縣

上段橋 在縣西二十里以土木結構為之徒輿咸利焉

賈令橋

在縣北十五里制如上段但伏秋間撤取秋杪復修

東六支橋

在縣東十五里制如賈令

澗村橋

在縣東南二十里用木為架而鋪板於上僅稱徒杠云亦歲時修撤

團栢橋

在團栢鎮北萬曆年間建

韓令橋

在縣城南門外知縣韓朝貢建

宮室

鎮河樓

在賈令鎮南門天順間建嘉靖間重修闔繩芳記

真武樓

在盤陀鎮北門弘治八年建

玉皇閣

在來遠鎮北門正德元年建

召烈亭

在賈令鎮北知縣張松建

論曰昔人謂作有利於世制有便於物者君子所不廢

而麗譙勝王醉翁諸作古今以為盛談邴地有樓二閣

亭各一而一邑之勝槩寓焉雖然雄規傑構土木之災

也華額璇題致飾之靡也君子尚重其始哉

寺觀

上生寺

在縣治南明嘉靖二年改建置僧會司

明覺寺

在縣東北三里會善村元延祐三年建

慈智寺

在縣東北七里王村正德六年建

惠安寺 在縣東北十里西六支村金承安二十年建

悟真寺 在縣東北二十五里上真都明嘉靖八年夏重修

延壽寺 在縣東北二十里張庄村元延祐三年建

妙因寺 在縣東北三十五里白圭鎮金明昌元年建

法嚴寺 在縣東十五里東六支村明嘉靖十年改建

興梵寺 在縣東二十里西管村宋天聖三年建

淨信寺 在縣東南七里郝城村金明昌元年建

法林寺 在縣東南十里小韓村元延祐四年建

洪福寺 在縣東南二十五里梁村元大德三年建

濟法寺 在縣東南二十五里中梁村元延祐五年建

觀音寺 在縣東南三十里大安南村元時建

聖覺寺 在縣東南三十五里子洪鎮金明昌七年建

幽僊寺 在縣東南六十里下嶺山宋宣和二年建

隆興寺 在縣南三里郭村成化二十二年建

教祖寺 在縣西南十里榮仁都元至元十八年建

寶勝寺 在縣西南十里榮仁村金明昌元年建

清真寺 在縣西五里東冀村元至元五年建

仁濟寺 在縣西五里東冀都金明昌元年建

集勝寺

在縣西十五里西建安村金明昌五年建

清淨寺

在縣西北五里北谷豐村元延祐三年建

會照寺

在縣西北八里城趙都金明昌二年建

會寧寺

在縣西北十里修善村元大德八年建

仁王寺

在縣西北二十里西陽羽村金明昌三年建

洪濟寺

在縣北三十里北左村元延祐四年建

太清觀

在縣治東麓臺坊街元至正二年建置道會司

延祥觀

在西關廂街北元至元四年建

崇真觀

在縣東二十五里東管村金明昌三年建

通玄觀

在縣東南十五里故縣村

玉真觀

在縣東南二十五里澗密村東明嘉靖二十七年改建

遇真觀

在縣東北四十里小義村元大德三年建

三教寺

在縣北關外明崇禎五年建有邑人李而洵碑記

勝果寺

在縣北十五里東西陽羽二屯中其佛像補傳為神樹雕成

福生堂

在縣西街舊猪市巷康熙二年建

文昌宮

一在縣城東門外康熙十二年建一在縣西北七里城趙村康熙四十一年建

藥王閣

在大清觀後康熙四十三年知縣朱理建

育嬰堂

在縣東街即舊布政分司基地康熙四十五年知縣朱理建

論曰明陳繼儒云二氏者天下之大養濟院也名山勝蹟多有神棲奧區焉矧道高箕穎宦成倦遊者往往竄跡其中膺民行善不可輔王政所未逮也乎如第曰崇政教明異端則又當別論也已至育嬰一堂雖係奉旨通行設立而當事體上天好生之心孜孜經營區畫盡善視民如子之懷已見一斑云



